



册府元龜
卷之七百二十七
至二十九



13
849
238



43
849
238



册府元龜

淮南王

西極文翔鳳訂正

豫章黃國玲較釋

幕府部 一十二

辟署第二

晉羊曼字祖延少知名本州禮命太傅辟皆不就避

難渡江元帝以為鎮東叅軍轉丞相主簿委以機密

王珣字元琳弱冠與陳郡謝玄為桓温掾後轉主簿

從討袁真轉大司馬叅軍

陶侃字士行爲盧江縣吏鄱陽孝廉范逵過盧江太守張夔稱美之夔召爲督郵遷主簿後除郎中伏波將軍孫秀以亡國支庶府望不顯中華人士恥爲掾屬以侃寒宦召爲舍人侃固辭不受
溫嶠字大真年十七州郡辟召不就司隸命爲都官從事後舉秀才灼然司徒辟東閣祭酒補上黨令平北大將軍劉琨請爲叅軍琨遷大將軍嶠爲從事中郎琨遷司空以爲右司馬
楊方字公回賀循稱之於京師司徒王導辟爲掾轉東安太守遷司徒叅軍事

薛兼字令長察河南孝廉辟公府累歷懷令司空東海王越引爲叅軍轉祭酒元帝爲安東將軍以爲軍諮祭酒稍遷丞相長史
劉阮字大連彭城人爲彭城內史避亂渡江元帝以爲從事中郎遷丞相司直委以刑憲
刁協字玄亮成都王穎請爲平北司馬後歷趙王倫相國叅軍長沙王乂驃騎司馬東嬴公騰鎮臨漳以協爲長史避亂渡江元帝以爲鎮東軍諮祭酒轉長史
戴淵字若思舉孝廉入雒陸機薦之於趙王倫倫乃

冊府元龜 卷之七百二十七
辟之累轉東海王越軍諮祭酒後元帝召爲鎮東右
司馬

戴邈字望之永嘉中元帝版行邵陵內史丞相軍諮
祭酒

周凱字伯仁累遷尚書吏部郎東海王越子毗爲鎮
軍將軍以凱爲長史元帝鎮江右請爲軍諮祭酒

應詹字思遠初辟公府爲太子舍人趙王倫以爲征
東長史倫誅坐免城都王穎辟爲掾鎮南大將軍劉
弘詹之祖舅也請爲長史

卞壺字望之永嘉中除著作佐郎征東將軍周馥請

爲從事中郎不就元帝鎮建業召爲從事中郎將委
以選舉甚見親杖

鄧攸字伯通爲太子洗馬東海王越世子文學吏部
郎中越弟騰爲東中郎將請攸爲長史

孫惠字德施永寧初赴齊王冏義辟以大司馬戶曹
掾轉東曹屬冏敗成都王穎以爲大將軍叅軍後改
姓名以遁東海王越舉兵下邳惠詭稱南嶽逸士秦
秘之以書于越越榜道以求之惠乃出見越卽以爲
記室叅軍後除太子中庶子復請補司空從事中郎
熊遠字孝文豫章人太守會稽夏靜辟爲功曹及靜

去職遠送至會稽以歸州辟主簿元帝作相引爲主簿轉從事中郎
顧和爲司徒掾時東海王冲爲長水較尉妙選僚屬以劉耽爲司馬庾懌爲功曹和爲主簿
陳頽字延思陳國人仕郡督郵簡獲隱匿者三千人爲一州尤最大守劉享拔爲主簿州辟從事乘馬車還家宗黨榮之

高崧字茂琰總角時司空何克稱其明慧克爲揚州引爲主簿益相欽重轉驃騎主簿累遷黃門侍郎簡文輔政引爲撫軍司馬

庾亮美姿儀善談論而方嚴自守元帝爲鎮東時聞其名辟西曹掾及引見風情都雅過於所望甚器重之

庾翼字稚恭蘇峻作逆時翼年二十二兄亮使白衣領數百人備石頭亮敗與翼俱奔事平始辟太尉陶侃府轉參軍累遷從事中郎在公府雍容諷議

庾懌字叔預東海王冲爲長水較尉清選綱紀以懌爲功曹又爲冲中軍司馬

王承字安期永寧初爲驃騎將軍後避難南下遷司空從事中郎後東海王越鎮許以爲記室參軍雅相

王述字懷祖年三十尙未知名人或謂之癡司徒王導以門地辟爲中兵屬旣見無他言惟問以江東米價述張目不荅導曰王掾不癡人何言癡也康帝爲驃騎將軍召補功曹又歷庾冰征虜長史

王坦之字文度簡文帝爲撫軍將軍辟爲掾累遷參軍從事中郎仍爲大司馬桓溫長史

王廙字世將初辟太傅掾轉參軍出爲濮陽太守元帝作鎮江右廙棄郡過江帝見之大悅以爲司馬後以冠軍將軍領丞相軍諮祭酒

蔡謨字道明父克爲成都王穎大將軍記室穎爲丞相擢爲東曹掾後絕不仕東嬴公騰爲車騎將軍鎮河北以克爲從事中郎知必不就以軍期致之謨避亂渡江明帝爲東中郎將引爲參軍元帝拜丞相復辟爲掾轉參軍後歷大將軍王敦從事中郎司徒左長史

諸葛恢字道明元帝爲安東將軍以恢爲主簿復爲鎮東參軍與下壺竝以時舉遷從事中郎兼統記室孔愉字敬康會稽人值亂入新安山中改姓孫氏永嘉中元帝始以安東將軍鎮楊土命愉爲參軍邦族

尋求莫知所在建興初始出應召爲丞相掾仍除駙馬都尉叅丞相軍事時已五十矣

謝尚字仁祖司徒王導穿器之比之王戎嘗呼爲小安豐辟爲掾轉西曹屬

謝安字安石年四十征西大將軍桓温請爲司馬既到温甚喜言生平歡笑竟旣出温問左右頗嘗見我有如此客不

王獻之字子敬轉秘書丞謝安甚欽愛之請爲驃騎長史安進號衛將軍復爲長史

桓宣譙國人爲元帝丞相舍人時鳩主張平自稱豫

州刺史樊雅自稱醮郡太守轉宣行叅軍使說平雅平雅遣將軍王簿詣丞相府受節度南中郎將王含請爲叅軍

桓伊字叔夏有武幹標悟簡率爲王濛劉琰所知頗叅諸府軍事累遷大司馬叅軍

毛穆之字憲祖寶之子果毅有父風安西將軍庾翼以爲叅軍翼子方之爲建武將軍守襄陽方之年少翼選武將可信仗者爲輔弼乃以穆之爲建武司馬桓遐字應遠勇力絕人桓温以爲叅軍數從温征伐虞預字叔寧餘姚人大守庾琛命爲主簿預上計陳

時政所失琛善之卽皆施行太守記瞻到預復爲主簿轉功曹史安東從事中郎諸葛恢叅軍庾亮等薦預召爲丞相行叅軍兼記室

棗據字道彥美容貌善文辭弱冠辟大將軍府

周玘字宣佩弱冠州郡辟命不就刺史初到召爲別駕從事虛已備禮方始膺命

車胤風姿美邵機悟敏速甚有鄉曲之譽桓温在荆州辟爲從事以辯識義理深重之引爲主簿

習鑿齒字彥威荆州刺史桓温辟爲從事江夏相袁

喬深器之數稱其才於温轉西曹主簿親遇隆密

謝玄字幼度有經國才略屢辟不起後與王珣俱被

桓温辟爲掾並禮重之

謝萬弱冠辟司徒掾遷右西蜀不就簡文帝作相聞其名召爲撫軍從事中郎萬著白綸巾鶴氅裘履版

而前旣見與帝共談移日

鄧粲長沙人少以高潔著名與南陽劉麟之南郡劉尚公同志友善並不應州郡辟命荆州刺史桓冲卑

辭厚禮請粲爲別駕粲爲其好賢乃起應召

孫盛字安國補瀏陽令太守陶侃請爲叅軍庾亮代侃引爲征西主簿轉叅軍庾翼代亮以爲安西諮議

叅軍桓温代翼留爲叅軍與俱伐蜀累遷從事中郎
羅企生字宗伯豫章人爲臨汝令刺史王凝之請爲
別駕殷仲堪之鎮江陵引爲功曹累遷武陵太守未
之郡而桓玄攻仲堪仲堪更以企生爲諮議叅軍
宋徐羨之字宗文少爲王雅太子少傅主簿劉牢之
鎮北功曹又爲桓循撫軍中兵叅軍與高祖同府浮
相親結義旗建高祖拔爲鎮軍叅軍領軍司馬補瑯
邪王大司馬叅軍司徒左西屬深州別駕從事義熙
十一年除鷹揚將軍瑯邪內史仍爲大司馬從事中
郎將高祖北伐轉太尉左司馬嘗留任以副劉穆之

王鎮惡北海人廣固之役或薦鎮惡於高祖卽以爲
青州治中從事史行叅中軍大尉軍事署前部賊曹
義熙八年大軍西討轉叅軍事十二年高祖將北伐
轉諮議叅軍行龍驤將軍領前鋒

孟龍符懷玉弟也早爲高祖所知旣克京城以爲建

武叅軍

朱齡石初爲桓循撫軍叅軍高祖克京城以爲建武
叅軍後遷武康令又召爲叅軍累遷尚書都官郎尋
復爲叅軍坐事免復爲叅軍
朱超石齡石之弟桓謙爲衛將軍以補行叅軍又叅

何無忌輔國右軍軍事徐道覆破無忌得超石以爲
叅軍至石頭說其司舟人單舸走歸高祖高祖甚喜
之以爲徐州主簿遷車騎叅軍事復補中兵叅軍
毛修之字敬文少有大志頗讀史籍荊州刺史殷仲
堪以爲寧遠叅軍後爲桓玄叅佐桓玄平下至京師
高祖以爲鎮軍諮議叅軍
羊欣字敬元桓玄輔政領平西將軍以欣爲平西叅
軍義熙中弟徽被遇於高祖高祖謂諮議鄭鮮之曰
羊徽一時美器時論猶在兄後恨不識之即拔欣補
右將軍劉璠司馬璠長史中軍將軍道憐諮議叅軍

傅弘之字仲度少儻有大志義興建輔國將軍劉
道規以爲叅軍

劉道產彭城人初爲輔國叅軍無錫令有能名高祖
拔爲中軍行叅軍又爲道憐驃騎叅軍後又爲彭城
王驃騎中兵叅軍

王敬弘琅邪人桓玄輔政及篡位屢召不下高祖以
爲車騎從事中郎徐州治中從事征西將軍道規諮
議叅軍

謝靈運陳郡人初爲晉琅邪王大司馬行叅軍撫軍
將軍劉毅鎮姑熟以爲記室叅軍毅鎮江陵又以爲

衛軍從事中郎毅伏誅高祖投爲太尉叅軍高祖伐
長安驃騎將軍道憐居守拔爲諮議叅軍
劉秀之字道寶父仲道高祖克京城以補建武叅軍
秀之累官建業令太祖鎮襄陽以爲撫軍錄事叅軍
張敷性整實風韻甚高好讀古書兼屬文論少有盛
名高祖見而愛之以爲世子中軍叅軍敷見接父邵
爲湘州去官侍從太祖拔爲西中郎叅軍江夏王義
恭鎮江陵以爲撫軍功曹轉記室叅軍
王華父廡起兵兵敗不知存亡華布衣蔬食十餘年
高祖欲收其才用乃發廡喪問使華制服服闋高祖

北伐長安領鎮西將軍北徐州刺史華爲州王簿
仍轉鎮西王簿治中從事史歷職著稱

袁淑字陽源遷太子洗馬以脚疾不拜衛軍臨川王
義慶雅性好文章請爲諮議叅軍遷司徒左西屬
謝莊爲吏部尚書免官時北中郎將新安王子鸞有
盛寵欲令招引才望孝武乃使子鸞拔莊爲長史
顏延之字延年文章之美冠絕當時飲酒不護細行
後將軍吳國內史劉柳以爲行叅軍因轉王簿豫章
公世子中軍行叅軍

顏師伯字長淵父邵剛正有局力爲謝晦所知晦鎮

江陵請爲諮議叅軍領掾事師伯少孤貧劉道產爲
雍州以爲輔國行叅軍弟師仲妻臧質女也質爲徐
州辟師伯爲主簿衡陽王義季代質爲徐州質薦之
於義季卽命爲征西行叅軍與安侯義賓代義季世
祖代義賓仍爲輔國安北行叅軍諮議叅軍王景文
薦之世祖乃以爲徐州主簿世祖鎮尋陽啟太祖請
爲南中郎主簿太祖不許謂典籤曰中郎府主簿那
得用顏師伯世祖又啓爲長流正佐太祖又曰朝廷
不能除之卿可自授亦不宜署長流乃拔爲叅軍事
署刑獄

沈慶之字弘先兄敬之爲趙倫之征虜叅軍南陽人
守慶之往襄陽省兄倫之見而賞之倫之子伯符爲
竟陵太守倫之命伯符拔爲寧遠中兵叅軍

顧覲之吳郡人初爲郡主簿謝晦爲荊州以爲南蠻
功曹仍爲晦衛軍叅軍晦愛其雅素深相知待王弘
辟爲陽州主簿仍爲弘衛軍叅軍鹽官令衡陽王義
季右軍主簿

沈穆夫字彥和少好學王恭命爲前軍主簿與其父
警書曰足下旣秉不拔之志高卧東南故屈賢子共
事非以吏職嬰之也

劉勔少有志節兼好文義家貧爲廣州增城令廣州刺史劉道錫引爲揚烈府主簿

何長瑜東海人盧陵王紹鎮尋陽以長瑜爲南中郎行參軍掌書記之任

龔穎遂寧人少好學益州刺史毛璩辟爲勸學從事璩爲譙縱所殺縱脅穎以兵刃穎遂不屈節其後刺史至輒加辟引歷府參軍州別駕從事

袁顛父爲吳郡顛隨父在官值元凶弒立安東將軍隨王誕舉兵入討拔顛爲諮議參軍

盧齊孔稚珪字德璋會稽人少學涉獵有美譽太守

王僧虔見而重之引爲主簿州舉秀才解褐安成王車騎法曹行參軍後爲殿中郎太祖爲驃騎以稚珪有文翰取爲記室參軍對掌辭筆

辛普明河南人有賢行後遭母喪幾至毀滅揚州刺史豫章王辟爲議曹從事

夏侯恭叔譙國人桓崇祖爲豫州聞其才義辟爲主簿兼掌書翰

庾杲之爲王儉衛軍長史時人呼儉府爲芙蓉池儉謂人曰昔袁公作衛軍欲用我爲長史雖不獲就要是意何如此今亦應湏知我輩人也乃用杲之

坦崇祖字敬遠下邳人年十四有幹略刺史劉道隆辟爲主簿厚遇之

劉懷珍字道玉平原人本州辟主簿江夏王義恭出鎮盱眙道遇懷珍以應對見重取爲驃騎長史兼墨曹行參軍

劉善明平原人年四十刺史劉道隆辟治中從事父懷民謂善明日我已見汝立身復欲見汝立官也善明應辟

周山圖字季寂初爲吳郡晉陵防郡隊主交州刺史沈僧榮鎮瑕丘與山圖有舊以爲已建武府參軍

焦度字文續孝武帝初青州刺史顏師伯出鎮臺以度領幢主送之與魏軍戰於沙溝破陣大捷師伯拔爲已輔國府參軍後補晉安王子勛夾轂隊王子勛起兵事敗逃宮亭湖中朝廷聞其勇甚憂患之使江州刺史王景文誘降度景文以爲已鎮南參軍尋領中直兵

虞玩之少閑刀筆沉涉書史累遷安成王車騎錄事轉少府太祖鎮東府朝野致敬玩之猶躡履造席太祖引爲驃騎諮議參軍霸府初開賓客輻湊玩之與樂安任遐俱以應對有席上之美齊名見遇

謝超宗陳郡人爲新安王撫軍行叅軍泰始初爲建安王司徒叅軍事遷司徒主簿丹陽丞建安王休仁引爲司徒記室正員郎太祖爲領軍數與超宗共屬文愛其才翰衛將軍袁粲聞之謂太祖曰超宗開亮迥悟善可與語取爲長史臨淮太守

虞棕字景豫會稽人少而謹正有至性州辟主簿累至州治中別駕黃門郎武帝爲中軍引棕爲諮議叅軍遣吏部江謐持手書謂棕曰今因江吏部有白以君情意願欲相屈

胡諧之豫章人州辟從事主簿累爲邵陵王左軍諮議武帝顛益城使諧之守尋陽城及爲江州復以諧之爲別駕以事任

蕭景先南蘭陵人太祖鍾淮陰以景先領軍王除後軍行叅軍與世祖款暱世祖爲廣興郡啓太祖求景先同行除世祖寧朔府司馬自此嘗相隨逐

江柘字弘業累官南徐州別駕高宗輔政委以心腹高宗爲驃騎鎮東府以柘爲諮議叅軍

江敦字叔文濟陽人少有美譽桂陽王休範臨州辟迎主簿不就後爲安成王撫軍記室轉驃騎從事褚淵爲衛將軍重敦爲人先通旨意引爲長史

何昌寓字儼望廬江人宋建安王休仁為揚州辟昌寓州主簿遷司徒行參軍太傅五官司徒東閣祭酒建平王景素為征北南徐州昌寓又為府主簿以風素見重

謝朓字義絜累官至撫軍功曹武帝為中軍引為記室建元初累至中書郎衛軍王儉引為長史雅相禮遇

王思遠琅邪人少無仕心宋建平王景素辟卓徐州主簿甚見禮遇

陸惠曉字叔明吳郡人初應州郡辟舉秀才衛尉史

歷諸府行參軍以母老還家太祖輔政除尚書殿中

郎太祖表禁奢侈惠曉撰答詔草為太祖所賞引為

太傅東閣祭酒

王融字元長少而神明警惠晉安王南中郎授行參軍坐公事免竟陵王為司徒授法曹行參軍

謝朓字玄暉為新安王中軍記室尋兼尚書殿中郎高宗輔政以朓為驃騎諮議領記室掌霸府文筆又掌中書詔誥

張欣泰字義亭宋左衛將軍興世之子少有志節不以武業自居好讀子史辟州主簿歷諸王府佐

于彬字士蔚才操不羣文多指刺州辟西曹主簿
丘巨源少舉丹陽郡孝兼爲宋孝武所知江夏王義
恭取爲掌書記

王智深字雲才建平王景素爲南徐州作觀法篇智
深和之見賞辟爲西曹書佐未到職而景素敗

賈淵字希鏡世傳譜學大始初辟丹陽郡主簿昇明
中太祖嘉淵世學取爲驃騎參軍

李珪之字孔璋江夏人少辟州從事宋泰始初蔡興
宗爲郢州以珪之爲安西府佐委以職事

封延伯字仲璉渤海人有學行不與世人交州辟主
簿不就垣崇祖爲豫州辟啓太祖用爲長史帶梁郡

太守

平藹爲豫章王嶷荊州刺史主簿參知州事嶷甚重
焉州人嫉之或譖藹麻門如市嶷遣覘之方見藹閉
閣讀書嶷還都以藹爲太尉刑獄參軍典書記

樂願字文德南陽人世居南郡少而言行和謹湘州
刺史王僧虔引爲主簿以同僚非人棄官去

蔡樽舉高第爲司徒法曹行參軍王儉高選府僚以
樽爲主簿

梁沈約起家奉朝請濟陽蔡興宗聞其才而善之興

宗爲郢州刺史引爲安西外兵叅軍兼記室與宗嘗謂其諸子曰沈記室人倫師表宜善事之

范岫與吳興沈約俱爲蔡興宗所禮興宗爲安西將軍引爲主簿

陸倕吳郡人年十七舉本州秀才刺史竟陵王子良開西郎延英俊倕亦預焉倕議曹叅軍

周捨有口辨王亮爲丹陽尹聞而喜之倕爲王簿政事委焉

龔愜遂寧人劉季連爲益州刺史倕爲府主簿愜頴之孫累世有學行故引

王僧孺爲大學博士尚書僕射王晏宰相賞好晏爲丹陽尹召補郡功曹使僧孺撰東宮新記後兼大學博士晏子得元出爲晉安郡以僧孺補郡丞任昉爲征西行叅軍永明初衛將軍王儉領丹陽尹引爲主簿儉雅欽重昉以爲當時無輩

劉景昕事母孝謹母病三十年一朝而瘳鄉里以爲誠感荊州刺史湘東王辟爲主簿

江淹昇明初齊帝輔政聞其才召爲尚書駕部行驃騎叅軍事

王亮爲大司馬從事中郎出爲衡陽太守以南土卑

濕辭不之官遷給事黃門侍郎尋拜晉陵太守在職
清公有美政時齊明帝作相聞而嘉之引爲領軍長
史甚見賞納

鄧元起爲武寧太守戍三關郢州刺史張冲督河北
軍事元起累與冲書求旋軍冲報書曰足下在彼吾
在此表裏之勢所謂金城湯池一旦捨去則荆棘生
焉乃表元起爲平南中兵參軍事

樂法才少遊京師造沈約約見而稱之和帝爲相國
召爲府參軍鎮軍蕭穎曹辟爲主簿

王志字次道司空僧虔之子爲大尉行參軍又爲武
陵王文學褚淵爲司徒引志爲主簿謂僧虔曰朝廷
之恩本爲殊特所可光榮在屈賢子

柳慶遠字文和爲襄陽令高祖臨雍州問京兆人杜
暉求州綱憚舉慶遠高祖曰文和吾已知之所問未
知者耳因辟別駕從事史

夏侯詳字叔遠譙郡人年十六遭父艱服闋刺史殷
琰召補主簿琰叛輔國將軍劉劭討平代爲刺史又
補主簿頃之爲新汲令豫州刺史表轉治中從事仍
遷別駕歷事八將州部稱之

蔡道恭字懷儉少寬厚有大量齊文帝爲雍州召補

鄭紹叔字仲明滎陽人年二十餘爲安豐令有能名本州召補主簿轉治中從事史高祖臨司州命爲中兵參軍領長流

柳惔字文通年十七齊武帝爲中軍命爲參軍轉主簿

柳惔字文深爲中庶子後爲鎮北始興王長史王移鎮益州復請惔帝曰柳惔風標才氣恐不能久爲少王臣王請數四不得已以爲鎮西長史

宗夬字明馭南陽人宋明帝卽位爲郢州治中以父

老去官南康王爲荊州刺史引爲別駕

樂藹字蔚遠南陽人宋建平王景素爲荊州刺史辟爲主簿景素爲南徐州復引爲征北刑獄參軍遷龍陽相齊豫章王嶷爲武陵太守雅善藹爲政及嶷爲荊州刺史以藹爲驃騎行參軍領州主簿參知州事嶷還都以藹爲太尉刑獄參軍典書記遷支江令還爲大司馬中兵參軍轉都記室後南康王爲西中郎以藹爲諮議參軍

傅昭字茂遠宋世太原王延秀薦於丹陽尹袁粲深爲所禮辟爲郡主簿

蕭琛字彥瑜少而朗悟爲齊太學博士王儉宴于樂道苑琛著虎皮靴策桃杖直造儉坐儉與語大悅儉爲丹陽尹辟爲主簿後爲晉熙王長史行南徐州兼少府高祖定京邑引爲驃騎諮議領錄事

裴子野字幾原爲右軍安成王叅軍俄遷兼廷尉正免職吳平侯蕭景爲南兖州刺史引爲冠軍錄事府遷職解

顧協字正禮爲安成王國左嘗侍兼廷尉正大尉臨川王閻其名召掌書記累遷輕車湘東王叅軍事兼記室西豐侯正德受詔北討引爲府錄事叅軍掌書

記

賀琛字國寶會稽人於鄉里聚徒教授普通中刺史臨川王辟爲祭酒從事

劉孺字季雉彭城人本州召迎主簿起家中軍法曹行叅軍鎮軍沈約聞其名引爲主簿嘗與遊宴賦詩大爲約所嗟賞

劉遵字孝陵累遷晉安王宣惠雲麾二府記室甚見賓禮轉南徐州治中王後爲雍州復引爲安北諮議叅軍

臧盾字宣卿齊世爲丹陽尹丞高祖平京邑霸府建

引爲驃騎刑獄叅軍

丘遲字希範吳興人州辟從事累遷車騎錄事叅軍

高祖平京邑霸府開引爲驃騎主簿甚被禮遇

庾於陵字介傳學有才思齊隨王子隆爲荊州召爲

主簿子隆代還又以爲送故主簿後始興王遙光爲

撫軍引爲行叅軍兼記室

吳均字叔彥吳興人家世寒賤至均好學有俊才柳

惲爲吳興召補主簿日引與賦詩建安王偉爲揚州

引兼記室掌文翰

劉峻字孝標齊蕭遙光爲豫州引爲府刑獄禮遇甚

厚後爲西省學士免安成王季好峻文學及遷荊州

引爲戶曹叅軍

伏挺字士標高祖義師至挺迎謁於新林高祖見之

甚悅謂曰顏子引爲征東行叅軍時年十八

顏見遠博學有志行齊和帝之鎮荊州以見遠爲錄

事叅軍

庾域少沉靜有名鄉曲梁文帝爲郢州辟爲主簿歎

美其才曰荆南柯梓其在斯乎加以恩禮

陳蔡景歷字茂世爲海陽令侯景之亂客遊京口高

祖鎮朱方素聞其名以書要之景歷對使人答書筆

不停綴文不重改高祖得書甚加欽賞仍更賜書報
答卽日授征北府中兵參軍仍領記室衡陽獻王昌
時爲吳興郡昌年尙少吳興王之鄉里父老故人尊
卑有序高祖恐昌年少接對乖禮乃遣景歷輔之
沈恪吳興武康人深有幹局梁新渝侯蕭映爲郡特
召爲主簿映遷北徐州恪隨映之鎮映又遷廣州以
恪兼府中兵參軍嘗領兵討伐

江德藻濟陽人爲武陵王行參軍南平王偉爲大司
馬聞其才名請爲東閣祭酒

杜之偉幼精敏有才爲邵陵王參軍侯景之亂逃竄
山澤及高祖爲丞相素聞名召補記室參軍

周鐵虎膂力過人便馬槊事梁河東王譽以敢勇聞
奏授爲府中兵參軍

張種爲梁西昌侯府西曹掾時武陵王爲益州刺史
重選府僚以種爲征西曹掾侯景之亂種奉其母東
奔母卒以凶荒未獲葬服制雖畢而嘗若在喪侯景
平司徒王僧辯以狀聞起爲貞威將軍治中從事史
并爲具葬禮訖方卽吉

沈炯字禮明少有雋才初爲賊將宋子仙所逼掌書
記子仙敗梁將王僧辯購得之羽檄軍書皆出於禮

明僧辯爲司徒以禮明爲從事中郎

虞寄字安次會稽人閉門稱疾以書籍自娛岳陽王爲會稽太守引爲行參軍遷記室參軍領部五官掾轉爲中記室掾

到仲舉字德言侯景之亂依文帝及景平文帝爲吳興郡守以仲舉爲郢郡丞與潁川庾持俱爲文帝賓客文帝爲宣毅將軍以仲舉爲長史

蕭乾字思惕五舉明經再遷太子舍人建安侯蕭正立出鎮南豫州授錄事參軍累遷中軍宣城王中錄事諮議參軍侯景平高祖鎮南徐州引爲貞威將軍

司空從事中郎

孔奐字休文爲儀曹侍郎丹陽尹何敬容以奐剛直請補功曹史喪母以孝聞侯景平司徒王僧辯先下辟書引爲左西掾又補丹陽丞元帝卽位於荊州徵奐及沈禮明僧辯表留之帝手勅曰孔沈二士今且借公爲朝廷所重如此仍除太尉從事中郎僧辯爲揚州又補揚州治中從事高祖作相除司徒右長史沈君理字仲倫起家湘東王法曹參軍高祖鎮南徐州遣君理謁見高祖高祖噐之辟爲府西曹掾

徐凌字孝穆梁晉安王爲平西將軍寧蠻較尉父擣

爲王諮議王又引凌叅寧蠻府軍事

謝貞字元正累官駕部侍郎始興王叔陵爲揚州刺史引爲祠部侍郎阮卓記室辟貞爲主簿貞不得已乃行尋遷府錄事叅軍領丹陽丞

註亨字亨通侯景之亂避地郢州梁邵陵王引爲諮議叅軍王僧辯之襲郢州也素聞其名召爲儀同從事郎中遷太尉從事中郎

徐慶字孝節安陸人世居京師少儻不拘小節及長姿貌環偉嗜酒好博嘗使童僕屠酤爲事始與內史蕭介之郡度從之將領士卒征諸山洞以驍勇聞

高祖征交趾原禮招之慶乃委質

何之元解褐梁太尉臨川王楊州議曹從事史尋轉主簿及袁昂爲丹陽尹辟爲丹陽五官掾總戶曹事安西武陵王爲益州刺史以之元爲安西刑獄叅軍侯景之亂王琳召爲記室叅軍其後湘州刺史始興王叔陵遣功曹史柳咸齎書召之之元始與朝廷有隙及書至大惶恐讀書至孔章無罪左車見用之元仰而歎曰辭旨若此豈欺我哉遂隨咸至湘州再遷中衛府諮議叅軍

冊府元龜

淮南李嗣京參閱

西極文翔鳳訂正

豫章黃國琦較釋

幕府部 一十三

後魏莫含鴈門繁峙人家世殖貨貲累巨萬劉琨為并州辟含從事含居近塞下嘗往來國中穆帝愛其才器善待之及為代王備置官屬求含於琨琨遣含入國含心不願琨喻之曰當今胡寇滔天泯滅諸夏

百姓流離死亡塗地主上幽執沉溺醜虜唯此一州
介在羣胡之間以吾薄德能自存立者賴代王之力
是以頌身竭寶長子遠質覬滅殘賊報雪大耻卿爲
忠節亦是奮義之時何得苟惜共事之小誠以忘出
身之大益入爲代王腹心非但吾願亦一州所賴含
乃八代叅國官

郎博字幼和范陽涿鹿人好學有文才充長史幹刺
史裴延雋用爲主簿

崔孝瞻字敬業博陵安平人少寬雅早著長者之風
彭城王勰之臨定州辟爲主簿釋褐冀州安東府外

兵叅軍

崔孝芬字恭梓博學好文司徒彭城王勰拔爲行叅
軍後除著作郎尙書令高肇親寵權盛子植除青州
刺史啓孝芬爲司馬後除司徒記室叅軍司空屬

崔士和爲西道行臺元脩義左丞行涇州事蕭寶寅
之在關中高遷寮佐以爲督府長史

崔長謙清河人好學脩立少有令名刺史尉景取爲
開府諮議叅軍事

崔勉字宣祖永安初除建節將軍尙書右中兵郎中
後太尉豫章王蕭贇啓爲諮議叅軍

辛纂爲越騎較尉尚書令李崇北伐蠕蠕引爲錄事
叅軍臨淮王彧北征以纂隨崇有稱啓爲長史及廣
陽王淵北伐又引爲長史

李瑾美容貌有才學清河王懌知賞之辟員外叅軍
宋輔字處仁少慷慨有大操博覽群書州辟別駕

李東字休賢郡辟功曹以父憂去職終身不食酒肉
孝明初司空任城王澄嘉其操尚以爲叅軍事

張普惠以學業爲任城王澄所重澄爲安西將軍雍
州刺史啓普惠爲府錄事叅軍

房士達起家濟州左將軍府倉曹叅軍時京兆王繼

爲大將軍出鎮聞其名徵補騎兵叅軍領帳內統軍

房景遠事二兄至謹撫養兄孤恩訓甚篤益州刺史

傅堅煥慕其名義啓爲昭武府功曹叅軍

盧道將秘書監淵之子涉獵經史頗有文才諸父竝

敬憚之彭城王勰任城王澄皆虛襟相待勰爲中軍

大將軍辟行叅軍遷司徒東閣祭酒

裴仲規少好經史頗有志節咸陽王禧爲司州牧辟

爲主簿

裴瑗字珍寶河北郡人少孤貧而清苦自立太守司
馬悅召爲中正悅爲將軍征義陽引爲中兵叅軍瑗

夙夜恭勤爲悅所知
郭祚字季祐孫小爲并州刺史以祚爲主簿重祚文才兼任之以書記時人多之

李元忠少勵志操居喪以孝聞清河王懌爲司空辟爲士曹叅軍

崔道固字季堅父輯南徙青州爲泰山太守道固賤出適母兄等輕侮之時宋孝武爲徐兗二州刺史得辟他州民爲從事輯乃資給道固令其南征旣至彭城駿以爲從事道固美形容善舉止便弓馬好武事駿稍嘉之會青州刺史新除過彭城駿謂之曰崔道

固人身如此豈可爲寒士至老乎而世人以其偏庶便相陵侮可爲歎息青州刺史至州辟爲主簿轉治中後爲義隆諸子叅軍

薛謹字法順辯之子也宋武帝擒姚泓辟相府行叅軍隨武帝渡江轉記室叅軍

寇讚字奉國少以清素知名苻堅僕射韋華州里高遠雖年時有異嘗以風味相待華爲馮翊太守召爲功曹

高允字伯恭渤海人郡召功曹神龜三年太武舅陽平王杜超行征南大將軍鎮鄴以允爲從事中郎年

四十餘矣

高燮字季和渤海人亦有文才嘗從容於家州辟主簿

陰道方性和雅頗涉書傳為李神雋所知賞神雋為前將軍荊州刺史請道方為其府長流參軍

姜儉字文簡起家徐州車騎府田曹參軍轉太尉外兵參軍蕭寶寅討關西引為開府屬寶寅為雍州仍請開府從事帶長安令

甄楷字德方粗有文學頗習吏事除祕書郎免官任城王澄為司徒引為法曹參軍稍遷尚書郎孝明末

定州刺史廣陽王淵被徵還朝時楷丁憂在鄉臨發召楷兼長史委以州任

楊固字敬安太和中從大將軍劉昶征義陽板府法曹行參軍還言之高祖年三十餘始辟大將軍府參軍事署城局仍從昶鎮彭城神龜末清河王懌領太尉辟固從事中郎懌被害汝南王悅為太尉辟固從事中郎不就正光二年京兆王繼為司徒高選官寮李琰之魯遊河內北山便欲有隱遁意會彭城王勰辟為行臺參軍苦相敦引

胡叟少聰慧好屬文孤標坎壈未有仕路遂入漢中
宋梁秦三州刺史馮翊吉翰以叟才士頗相禮接授
叟末佐不稱其懷未幾翰遷益州叟隨入蜀多爲豪
雋所尚下據五丈平京兆王
穆子琳出帝時爲鎮東將軍以占奪民田免官爵久
之阿至羅國主副越居爲蠕蠕所敗其子去賓來奔
齊獻武王奏去賓爲安北將軍肆州刺史封高車王
招慰夷虜表子琳爲去賓長史復其前封

羊侃字士業年三十一襲父爵華陰伯釋褐太尉汝
南王悅騎兵參軍揚州刺史長孫稚請爲錄事參軍

後奏爲統軍又請爲其府錄事參軍帶長安令府州
之務多所委決

王士良字君明少脩謹不妄交遊孝莊末爾朱仲遠
啓爲府參軍事
叱羅協少寒微嘗爲小吏以恭謹見知嘗州刺史楊
均擢爲從事
北齊司馬子如雲中人孝昌中北州淪陷子如攜家
口南奔肆州爲爾朱榮所禮遇假以中軍榮之向維
也以子如爲司馬

龐蒼鷹太原人知高祖有霸王之量每私加敬割其

宅半以奉高祖繇此遂蒙親識高祖之牧晉州引爲兼治中從事

李繪字敬文儀貌端偉神情朗俊齊王蕭寶寅引爲主簿記室專管表檄待以賓友之禮
王絃字師羅大安人初從葛榮反爾朱榮遣使會之然後始降以爲府從事中郎
封子繪字仲藻渤海人爾朱兆之亂與父隆之舉義信都奉使詣高祖高祖至信都召署開府主簿仍典書記中興元年轉大丞相主簿

張華原字蒲國代郡人少明敏有器度高祖開騾騎

府引爲法曹叅軍遷大丞相府屬仍侍左右從於信都深爲高祖所親待

崔陵字長儒河東人釋褐太學博士坐事免歸鄉里高祖於信都起義陵歸焉高祖見之甚悅以爲諮議叅軍

崔瞻字彥通陵之子也年十五刺史高昂召署主簿清河公岳辟爲開府西閣祭酒後除御史高祖入朝還晉陽被勅與北海王晞陪從俱爲諸子賓友仍爲相府中兵叅軍轉主簿

祖鴻勳涿郡人魏永安初元羅爲東道大使署封隆

之邢邵李渾李象及鴻勳竝爲子使

高德政字士貞北海蓆人父顯魏滄州刺史德政幼而敏慧有風神儀表文宣引爲開府參軍知管記事甚相親狎神武入擢爲相府掾委以腹心

徐遠字彥遐廣寧人少習吏事郡辟功曹高祖以遠閑習書計命爲丞相騎兵參軍深爲高祖所知

崔昂性端直少華沉深志略堅實難傾動少好章句頗綜文詞文襄廣開幕府引爲記室參軍

張亮字伯德西河人初事爾朱兆拜平遠將軍兆敗自縊於樹亮伏屍而哭高祖嘉歎之授丞相府參軍

事漸見親待委以書記之任

元景安魏昭成五世孫也沉敏有幹局少工騎射善於事人釋褐爾朱榮大將軍府長流參軍

張纂字徽纂代郡人初爲爾朱兆都督長史爲兆使於高祖遂被顧識高祖起義山東劉誕據相州拒守纂亦在其中高祖攻而拔之引參丞相軍事

獨孤承業字世基中山人也有才幹便弓馬被簡擢補定州六州都督宿衛晉陽或稱其有識用文襄與語悅之超授中外府外兵參軍

王峻字嚳嵩零丘人悟明有幹略高祖以爲相府墨

曹參軍坐事去官久之文宣為儀同開府引為城局

參軍之缺 崔廓之陳郡陽夏人沉隱有識量以學業見稱自臨

軍

李元忠趙郡人魏清河王懌為司空辟為士曹參軍

遷太尉啓復為長流參軍懌後為太傅被詔為營構

明堂大都督又引為主簿

羊烈字信卿太山人魏孝昌中方弱冠州辟主簿又

兼治中從事史以吏事為意幹濟見知釋巾太師咸

陽王行參軍

盧文偉字休族范陽人北州冠族少為鄉閭所敬州

辟主簿年三十八始舉秀才

盧恭道性溫良有文學州辟主簿李崇北征以為開

府墨曹參軍

李幼廉趙郡人初為濟州長史文襄嗣事召詣晉陽

除霸府掾謂杜弼曰并州王者之基須好長史各舉

所知時玄有所稱皆不允衆人未荅文襄乃謂陳元

康曰我教君好長史處李幼廉即其人也遂命為并

州長史嘗在文襄第內與隴西辛術等六人號為館

客待以上賓之禮

平鑿燕郡人鑿歸爾朱榮於晉陽因陳靖亂安民之

策榮大奇之即署參軍前鋒從平鞏密每陳先登除

撫軍襄州刺史

孫奉字彥舉樂安人高祖西討令作檄其文甚美高

祖大悅即署相府主簿專典文筆

崔伯謙字士遜少孤貧善養母高祖召赴晉陽補相

府功曹稱之曰清直奉公真良佐也遷瀛州別駕

蘇瓊字瑜之幼時隨父在邊嘗謁東荊州刺史曹芝

芝戲問之曰卿欲官否對曰設官求人非人求官芝

異其對署為府長流參軍

高隆之字延興身長八尺美鬚髯沉深有志氣魏汝

南王悅為司州牧以為戶曹從事遷員外散騎侍郎

高祖與行臺于暉出討羊侃於太山暉引隆之為行

臺郎中

孫騰少質直明解吏事屬爾朱榮建義騰隨榮入雒

高祖之為晉州引騰為長史加後將軍

斛律羨字豐雒少有機警尤善射藝高祖見而稱之

世宗擢為開府參軍

薛元穎太嘗卿光熾之子廉謹有信義起家永安王

參軍陸道廣平人魏廣陽王深北伐請為鎧曹及為定
 州刺史又以為府佐
 盧斐字子章性殘忍以強斷知名世宗引為刑獄參
 軍
 李愨孝昌之末天下兵起愨潛居林慮山觀候時變
 賊帥鮮于脩禮毛普賢作亂詔遣大都督長孫稚討
 之稚素聞愨名召兼帳內統軍
 裴諏之為沛王大司馬府記室遷鄴後諏之留在河
 南西魏領軍獨孤信入據金墉以諏之為開府屬號
 曰雒陽遺彥
 又周書云柳蚪退耕陽城大統三年馮
 翊王元季海領軍獨孤信鎮雒陽時舊
 史

宋遊道廣平人魏廣陽王深北伐請為鎧曹及為定
 州刺史又以為府佐
 盧斐字子章性殘忍以強斷知名世宗引為刑獄參
 軍
 李愨孝昌之末天下兵起愨潛居林慮山觀候時變
 賊帥鮮于脩禮毛普賢作亂詔遣大都督長孫稚討
 之稚素聞愨名召兼帳內統軍
 裴諏之為沛王大司馬府記室遷鄴後諏之留在河
 南西魏領軍獨孤信入據金墉以諏之為開府屬號
 曰雒陽遺彥
 又周書云柳蚪退耕陽城大統三年馮
 翊王元季海領軍獨孤信鎮雒陽時舊

京荒廢人物罕存唯有蚌在陽城諷在潁川信等乃俱徵之以蚌為行臺郎中諷為督府屬並掌文翰時人為之語曰北府

裴藻少機辯有不羈志太傅司馬子如以為主簿子如之子消難鎮北豫又以為中兵參軍

後周宇文深初仕後魏秘書郎時群盜蜂起深屢言時事爾朱榮雅知重之拜厲武將軍并除車騎府主

簿後為子都督太祖以深有謀略欲引致左右圖議政事乃啓為丞相府主簿

周惠達字懷文章武人魏齊王蕭寶寅為瀛州刺史召惠達及河間馮景同在閣下甚禮之孝昌初魏臨

淮王彧以惠達為府長流參軍 又云寶寅為大督景同為功曹參軍

皇甫璠安定人少忠謹有幹略州辟為掾太祖為牧補主簿以勤事被知每蒙褒賞引為丞相府行參軍

冀雋魏太昌初為賀拔岳墨曹參軍及岳被害太祖引為記室

薛端字仁直河東人年十七通空高乾邕辟為參軍賜爵平陰男

柳帶蕭字孝孫深沉有度量少好學身長八尺三寸美風儀善占對韓賢素為雒州刺史召為主簿

蘇亮字景順魏齊王蕭寶寅引為參軍後寶寅開府

爲其府主簿寶寅西征轉記室參軍寶寅遷大將軍仍爲之掾寶寅雅知重之

柳敏河東解縣人爲河東郡丞及文帝尅復河東見而器異之乃謂之曰今日甚喜得卿也卽拜丞相府參軍事轉戶曹參軍兼記室

盧柔字子剛賀拔勝出牧荊州以柔爲大行臺郎中掌書記及勝爲大保以柔爲掾

趙善字僧慶爾朱天光爲肆州刺史辟爲主簿深器重之又以爲長史軍中謀議每參預之天光爲關右行臺表善爲行臺右丞後賀拔岳總關中兵復以爲

長史

韓裒爲大中大夫魏室亂裒避地於夏州太祖爲丞相引裒爲錄事參軍尋爲丞相府屬

趙肅河南人早有操行魏止光中酈元爲河南尹辟爲主簿

薛寘爲中書令車騎大將軍儀同燕公于謹征江陵以寘爲司錄軍中謀略寘並參之李旭頓丘人初謁太祖深奇之綏德公陸通盛選僚案請以旭爲司馬太祖許之後太祖嘗欲以書記委之於是以旭爲丞相府記室參軍

檀翥高平人司州牧城陽王元徽以翥爲從事尋謝
病客遊三輔時毛遜爲行臺鎮北雍州表翥爲行臺
郎中

元偉河南人爲幽州都督府長史尉遲廻伐蜀以偉
爲司錄書檄文記皆偉所爲

梁昕安定人爲關中著姓後居京兆之盤屋魏正光
中秦隴亂蕭寶寅爲大都督統兵出討以昕爲行參
軍以功累進征西將軍爾朱天光入關復引爲外兵
參軍太祖迎魏孝武軍次雍州昕以三輔望族上謁
太祖見昕容貌瓌偉深賞異之卽授右府長流參軍

辛慶之隴西狄道人爲祕書郎司空楊津爲北道行
臺討爾朱氏啓慶之爲行臺左丞與參謀議後賀拔
岳爲行臺復啓慶之爲行臺吏部郎中開府掾

樊深字文濟河東猗氏人于謹引爲府參軍事累轉
從事中郎謹拜司空以深爲諮議

杜叔毗字子弼性慷慨有志節晉公護辟爲中外府
樂曹參軍

令狐整字延保燉煌人世爲西土冠族魏東陽王元
榮辟爲主簿

顏之儀父協在梁不仕元帝爲湘東王引協爲其府

記室參軍協不得已乃應命
隋柳雄亮字信誠幼有志節好學不倦在國蔡國公
廣欽其名行引為記室參軍年始弱冠府中文筆頗
亦委之

趙芬字士茂少有辯智頗涉經史太祖引為相府鏡
曹參軍歷記室

辛彥之不交非類博涉經史太祖見而器之引為中
外府禮曹賜以衣馬珠玉

衛玄字文昇少有器識周武帝在藩引為記室

柳彧少好學頗涉經史大冢宰宇文護引為中外府

記室

李文博為縣丞數載不調薛道衡為司隸大夫遇之
於東都尚書省甚嗟愍之遂奏為從事因謂齊王司
馬李綱曰今日遂遇文博得奏用之以為權笑其見
賞知音如此

劉行本自梁歸周以諷讀為事性剛烈大冢宰宇文
護引為中外府記室

元巖少以名節自許與高穎友善周大冢宰宇文護
見而器之以為中外府記室

郭榮太原人周大冢宰宇文護引為親信護察榮謹

厚擢中外府水曹參軍

李德林字公輔在齊為殿中將軍天保之季謝病還

鄉闔門自守乾明初尚書令楊遵彥奏追德林入議

曹長廣王作相居守在鄴引授丞相府行參軍

趙賢通沉深有器局周太祖引為相府參軍事

王邵字君懋少沉嘿好讀書弱冠齊尚書僕射魏收

辟開府軍事

庾季才幼穎悟好占玄象梁廬陵王續辟荊州主簿

湘東王繹重其術藝引授外兵參軍

蕭寶美風儀善談笑年未弱冠名重一時高祖輔政

引為丞相府典籤深被識遇

諸葛穎清辯有俊才晉王廣素聞其名引為參軍事

常師字公穎京兆人周大冢宰宇文護引為中外府

記室轉賓曹參軍齊王憲為雍州牧引為主簿

常世康京兆人幼而沉敏有器度年十歲州辟主簿

段文振性剛直明達時務為後周宇文護親信知其

有幹用擢授中外府兵曹

章壽字世齡孝寬之子在周以貴公子罕有令譽趙

王為雍州牧引為主簿

常肅在周為宣納上士高祖為相引為賓曹參軍

長孫熾字仲光在州為御正上士高祖作相擢為丞相府功曹參軍

盧愷字長仁神情爽悟沿涉書記頗解屬文周齊王

憲引為記室

盧昌衡字子均年十七魏濟陰王元暉召補太尉參

軍事兼外兵參軍

魏澹字彥深世以文學自業齊博陵王濟聞其名引

為記室及琅邪王儼為京畿大都督以澹為鎧曹參

軍

陸爽字開明少而聰敏年十七齊司州牧清河王岳

引為主簿

趙綽周初為夏官下士以明幹見知後為掌教中士

高祖為丞相知其清正引為錄事參軍

鮑宏字潤身嘗和梁湘東王繹詩嗟賞不已引為中

記室

裴政字德表年十五辟梁邵陵王府法曹參軍事累

轉枝江令湘東王之臨荊州召為宣惠府記室

柳莊字思敬少有遠量博覽墳籍兼善辭令梁岳陽

王蕭啓辟為參軍轉法曹

郎茂字蔚之為陳州戶曹屬高祖亳州總管見而悅

之命掌書記

高構字孝基北海人好讀書工史事弱冠州補主簿

仕齊河南王叅軍事

張處威字元敬年十二州補主簿十八為太尉中兵

叅軍齊亡仕周為宣納中士高祖得政引為相府典

籤

裴矩字弘大河東人齊北平王貞為司州牧辟為典

曹從事轉高平王文學及齊王不得調高祖為定州

總管召補記室甚親敬之以母憂去職高祖作相遣

使者馳召叅相府記室事

何稠字桂林仕周御飭下士及高祖為丞相召補叅

軍兼掌細作署

皇甫誕字玄憲安定人少剛毅有器局周畢王賢通

引為倉曹叅軍

游元字楚客廣平人少聰敏年十六齊司徒徐顯秀

引為叅軍事開皇中為殿內侍御史晉王廣為揚州

總管以元為法曹叅軍

張祥京兆人少為高祖所知其後引為丞相叅軍事

陸彥師字雲房好學解屬文魏襄城王元旭引為叅

軍事齊彭城王浹為司州牧召補主簿後歷中外府

趙軌河南人少有行簡周蔡王引為記室以清苦聞
劉綽字士元都昌人以儒學知名為州博士刺史趙
賢通引為從事

劉炫字光伯河間人周武帝平齊瀛州刺史宇文充
引為戶曹從事後刺史李繪署禮曹從事以吏幹知
名

劉臻字宣擘沛國人仕梁為召陵王東閣祭酒後仕
蕭詧為中書侍郎周冢宰宇文護辟中外府記室參
軍事羽檄多成其手

孫萬壽字仙期信都人滕穆王引為文學坐衣冠不
整配防江南行軍總管宇文述召典軍書

唐儉字茂約并州人高祖在太原留守儉與太宗周
密高祖開大將軍府授簡記室參軍

劉政會滑州人隋大業中為太原鷹揚府司馬高祖
大將軍府建引為戶曹參軍從平長安除丞相府掾
武士彠并州人高祖初行軍於汾晉休止其家因蒙
顧接及為大原留守引為行軍司鎧以士彠為大將
軍府鎧曹

姜謩秦州人大業末為晉陽長高祖留守大原見謩

丹元大業 薛署三
深器之大將軍府建引爲功曹參軍平京城除相國
賓曹參軍

溫大雅字彥弘高祖在大原甚禮之義兵起引爲大
將軍府記室參軍專掌文翰

竇威字文蔚隋蜀王秀辟爲記室以秀行事多不法
稱疾還田里累轉考功郎中坐事免高祖入關召補
大丞相府司錄參軍

李綱字文紀少慷慨有志節每以忠義自命周齊王
憲引爲參軍

封倫字德彝隋開皇末江南作亂內史楊素徃征之

署爲行軍記室

房喬字玄齡齊人大宗徇渭北一見便如舊識署爲
北道行軍記室參軍

杜如晦字克明仕隋補滏陽尉尋棄官而歸太宗平
京城引爲秦王府兵曹參軍

張公謹字弘懷倜儻好奇略簡較郢州別駕初未知
名太宗爲秦王李勣驟薦之於是引入幕府

岑文本字景仁南陽人蕭銑僭號召署中書侍郎及
河間王孝恭定荊州署荊州別駕孝恭進擊輔公祐
召典軍書復署行臺考功郎中

令狐德棻宜州人義旗建淮安王神通據太平宮自稱總管以德棻爲記室叅軍高祖入關引直大丞相府記室

于志寧爲銀青光祿大夫太宗爲秦王天策上將志寧累授天策府從事郎中

李守素有實學高才爲山東名族容儀魁偉性識通辯工談論言詞簡要文洞名理太宗平王世克徵爲學士署天策府倉曹

李桐客仕隋爲門下錄事從討竇建德建德平太宗授秦府法曹叅軍

蔡允恭初仕隋爲起居舍人太宗平山東召入幕府

署叅軍事補學士

蘇味道爲咸陽尉吏部侍郎裴行儉甚加禮遇及征突厥阿史那都之引爲管記

徐堅爲太子文學聖曆中車駕在三陽宮御史大夫

楊再思太子左庶子王方慶爲東都留守引堅爲判

官

牛仙客涇州鶉觚人初爲縣吏縣令傅文靜甚重之文靜後爲隴右營田使引仙客叅預其事遂以軍功累轉洮州司馬開元初王君奭爲河西節度使以仙

客爲判官甚委信之

封嘗清爲四鎮都知兵馬使高仙芝嫌人以破達奚
功授疊州地下戍主便以爲判官仙芝代夫蒙靈啓
爲安西節度使便奏爲慶王府錄事參軍節度判
官每出征討嘗令知留後事

崔圓累官司勳員外郎宰臣楊國忠遙制劍南節度
使引圓佐理乃奏授尙書郎兼蜀郡大都督府左司
馬知節度留後

段秀實隴州人沉厚多斷天寶初安西節度馬靈啓
署爲別駕奏從討護密有功授安西府別將七載高

仙芝代靈啓舉兵圍怛羅斯黑衣救至靈啓大餓軍
士相失夜中聞都將李嗣業之聲因大呼責曰軍大
而求免非夫也嗣業甚慙遂與秀實糾合散卒復成
其軍師還嗣業請于仙芝以秀實爲判官授大侯府
果毅後又爲節度荔非元禮曰孝德判官孝德改鎮
邠寧奏秀實試大嘗卿支度營田二副使

苗晉卿深沉有精識爲中書舍人時宰臣李林甫兼
河南節度使以晉卿爲判官處事精審林甫重之
裴冕爲渭南縣尉以吏道聞御史中丞王鉷克京畿
採訪使表爲判官遷監察御史鉷有罪誅河西節度

使哥舒翰表冕爲行軍司馬

呂誼爲寧陵尉本道採訪使韋陟以爲支使及哥舒翰爲隴右河西節度使奏授左龍武軍倉曹克支度判官歷太子通事舍人性謹密勤於職務在使幕縱無事塊然獨坐不離按牘翰益親之

徐浩字季海累遷右捨遺麗正殿較理幽州節度使張守珪奏在幕府改監察御史

令狐滂彰父也天寶中仕鄧州錄事參軍以清白聞本道採訪使宋鼎引爲判官

哥適好學以詩知名爲汴州封丘尉時邊將用事務

收俊又河西節度使哥舒翰表適爲左驍衛兵曹克

掌書記

趙驊爲河東縣丞採訪使韋陟以驊履操清直頗推敬之表爲賓僚使罷陳留採訪使郭納復奏驊爲支

使

韋倫爲藍田尉以吏事勤恪楊國忠署爲鑄錢內作使判官

馬炫以儒學著名隱蘇門山李光弼鎮太原辟爲掌書記累遷侍御史嘗參軍府謀議光弼益器之

韋滉字太冲少貞介好學至德初青齊節度鄧景山

辟爲判官授監察御史兼北海郡司馬以道路阻絕
不獲赴因辟地山南採訪使李承昭奏克判官授通
州長史彭王府諮議叅軍
杜亞京兆人善言物理及歷代成敗之事至德初獻
封章授較書郎杜鴻漸爲河南節度辟爲從事永泰
末劔南叛亂鴻漸以宰相出領山南副元帥以亞及
楊炎竝爲判官
陸長源少涉獵書記乾元中陷河北諸賊因爲昭義
軍節度薛嵩從事累授簡較郎中
張鎰蘇州人朔方節度齊丘之子以門蔭授左衛兵

曹叅軍郭子儀爲關內副元帥以掌伏事齊立辟鎰
爲判官後爲殿中侍御史坐事貶撫州司戶量移晉
陵令未之官洪吉觀察張鎬辟爲判官奏授殿中侍
御史舍人
元載爲監察御史常鎰克使監選黔中引載爲判官
崔元翰年已五十餘李勉鎮滑臺辟爲從事後馬燧
在太原聞其名致禮之又爲燧府掌書記
裴胄爲秘書郎陳少遊爲陳鄭節度使留後奏授大
理司直少遊罷隴右節度李抱玉奏授監察御史不
得意歸免陳少遊爲宣歙觀察復辟在幕府抱玉發

怒奏貶桐廬尉江西觀察使李栖筠有重望虛心下
士幕府盛選才彥觀察判官許鳴謙有學識栖筠堂
異席咨事之崔造輩皆所薦引一見曹深重之薦於
栖筠奏授大理評事觀察支使

馬燧字洵美寶應中澤潞李抱玉署奏趙城尉令說
相衛薛嵩拒絕僕固懷恩署奏左武衛兵曹歷太子
通事舍人遷著作郎營田判官

齊抗少遊會稽剡溪中好讀書爲文長於牋奏壽州
刺史張鎰辟爲判官開吏事而敏於機鎰甚重之鎰
爲江南西道都團練觀察使抗隨在幕府建中三年

鎰自中書侍郎平章事出爲鳳翔隴西節度使奏抗
爲監察御史前後籌量幕中事多出抗
張建封兗州人大曆初道州刺史裴封薦建封於觀
察使帝之晉辟爲參謀奏授左清道兵曹不樂吏役
而去素與馬燧有故燧爲河陽三城鎮過使辟爲判
官及燧爲河東節度復奏建封爲判官特拜侍御史
裴延齡乾元末爲汜水縣尉遇東都陷賊因寓居鄂
州後華州刺史董晉辟爲防禦判官
姚南仲自右補闕貶海鹽令浙江東西觀察使韓滉
辟爲推官無何表殿中侍御史內供奉克支使

齊暎少舉進士以博學宏詞授河南府叅軍滑毫節度令狐彰辟為掌書記及彰卒後兵亂暎脫身歸東都河陽三城使馬燧辟為判官奏殿中侍御史張鎰出為鳳翔節度使署奏為判官

杜佑字君卿京兆萬年人父希望西河郡太守佑以蔭入仕補濟南郡叅軍剡縣人時潤州刺史韋元甫嘗受恩於希望佑謁見元甫元甫未之知以故人子待之他日元甫視事有疑獄不能決佑時在旁元甫試訊於佑佑口對響應皆得其要元甫奇之乃奏為司法叅軍及為浙西觀察淮南節度皆辟為從事深

信委之

盧群字載初少好讀書初學於垂山淮南節度陳少遊聞其名辟為從事建中末薦於朝廷會李希烈反叛詔諸將討之以群為監察御史江西行營糧料使興元元年江西節度嗣曹王臯奏為判官曹王移鎮江陵襄陽皆佐使幕府中事多以咨委以正直聞嚴礪為梓州玄武尉從祖兄震節制南梁委以廩餉之職事甚修辨署為從事加兼監察御史路泌為城門郎從幸梁州以策說渾瑊署為從事瑊討李懷光累奏為副元帥判官

李景略幽州人爲幽府功曹寓居河中李懷光爲朔方節度招在幕府懷光反狀始萌景略退歸私家尋爲靈武節度杜希全辟在幕府轉殿中侍御史高郢字公楚授咸陽尉郭子儀辟爲掌書記後忤子儀旨奏貶猗氏丞李懷光節制邠寧奏爲從事轉副元帥判官及懷光叛馬燧平河中又辟郢爲掌書記權德輿字載之韓洄黜陟河南辟爲從事試祕書省較書郎貞元初復爲江西觀察使李兼判官府罷杜佑裴胄皆奏請表同日至德宗雅聞其名徵爲太嘗博

李若初爲陳州太康令刺史李克厚遇之克遷河陽三城使奏若初爲從事軍中事多委之
李融少孤自修立性嚴正善吏事累官至美原尉京兆尹賈至舉授長安主簿朔方節度郭子儀署奏監察御史爲賓佐居無何子儀聽讒署奏大理司直兼襄陵令官罷鮑防署奏監察御史福建都團練判官馬彛扶風人嗣曹王臯爲襄陽節度善用人彛未知名臯始辟之卒以正直強幹稱奏爲御史克州官大

册府元龜

開高梁對列限使晉林同他陳史於

召武齊碑限東平人實實樂計淮南李嗣京叅閱

魏西河圖元始封餘為五州世西極文翔鳳訂正

獻餘數中博為碑刻今未據之 豫章黃國琦較釋

幕府部 一十四

幕署第四

唐于頔字休甫河南人少以吏事聞累授京兆府士

曹為尹史翺所知翺出鎮襄陽奏為御史克判官大

曆中第五琦署為河東租庸糧料鹽鐵等使務元載

為諸道管田使又署為郎官令於東都汝州開置屯

于頔字允元河南人始以千牛備身調華陰尉黜陟使劉灣辟為判官

李元諒勇敢多計少從軍備禁衛積功勞至試太子詹事鎮國軍節度使李懷讓署奏鎮國軍副使使領

州

盧綸建中初為昭應令朱泚之亂咸寧王渾瑊克京城西面副元帥板綸為元帥判官簡輟全部郎中

呂元膺鄆州東平人質度瓌偉有公侯之器建中初策賢良對問高第授陝州安邑尉同州刺史侯鑄

其名辟為長春宮判官屬蒲賊侵軼鑄失所守元膺

遂潛跡不務進取貞元初論惟明節制渭北延在賓

席自是名達於朝廷

鄭雲逵滎陽人大曆初舉進士性果誕敢言客遊兩

河以畫干朱泚泚悅表為判官授大理評事累諫議

大夫奉天之難奔赴行在居數月李晟表為行軍司

馬戎略多容之賊平拜給事中

趙植奉天人朱泚之亂德宗幸奉天以家人奴客奮

力拒守仍獻家財以助軍資賊平咸寧王渾瑊辟為

推官貞元初遷鄭州刺史鄭滑節度使李融奏兼副

使

郗士美字和夫未冠爲陽翟丞李抱真鎮潞州辟爲從事雅有叅贊之績

李鄴字爲字爲李懷光所辟懷光叛鄴密奏賊軍虛實及攻取之勢事泄懷光囚之獄中懷光死馬燧就獄致禮表爲河東從事尋以言不行歸養雒中襄州節度嗣曹王臯致禮延辟署爲從事

崔從貞元初進士登第釋褐山南西道推官以父憂免喪不應辟命久之西川節度韋臯奏掌西山運務知邛州事劉闢阻命從拒守不從之闢平從事坐累

多伏法唯從以拒闢免盧坦在宣州辟爲團練副使

胡証字啟中河東人舉進士貞元中登科渾瑊爲河中節度使辟爲從事自殿中侍御史拜韶州刺史以母年高不可適遠改授太子舍人襄陽節度使于頔請爲掌書記

程异爲華州鄭縣尉精於吏職剖析無滯杜雍之刺同州帥河中辟爲賓佐

韋綬字子章初爲長安尉朱泚之亂變服乘驢赴奉天子頓鎮襄陽辟爲賓佐

段平仲舉進士杜祐李復相繼鎮淮南皆表爲掌書

記復移鎮華州仍爲從事

劉伯芻登進士第志行脩謹淮南杜佑辟爲從事

穆員工文詞尚節義杜亞爲東都留守辟爲從事簡

較員外郎

路隨泌子也爲潤州叅軍爲李錡所困使知而事隨
儵然坐而中不介意韋夏卿爲東都留守聞而辟之

由是聲名自振

孟郊少隱於嵩山稱處士李翱分司雒中與之遊薦

於留守鄭餘慶辟爲賓佐餘慶鎮興元又奏爲從事

辟書下而卒

竇羣爲侍御史順宗時附王叔文爲叔文之黨出爲

唐州刺史羣至唐州節度使于頔以故人待之署羣

爲副使表兼御史中丞賜金紫

竇嘗字中行太曆十四年登進士第寓居廣陵之柳

楊結廬種樹不求苟進以講學著書爲事凡二十年

不出貞元十四年杜佑鎮淮南奏授較書郎爲節度

叅謀

馬總字會元爲刑部侍郎元和十二年宰相裴度爲

淮西宣慰處置使奏總爲宣慰副使司勳員外郎李

正封都官員外郎馮宿禮部員外郎李宗閔等爲兩

使判官書記皆從之
韞愈字退之元和中為右庶子時方討淮蔡兵久無
功丞相裴度兼淮西節度督軍於鄆城奏愈守本官
兼御史中丞為行軍司馬仍賜金紫旋以蔡州平隨
度歸闕拜刑部侍郎
崔戎字可大為藍田主簿為藩鎮名公交辟裴度領
大原署為叅謀
竇鞏字友封元和二年登進士第袁滋鎮滑州辟為
從事滋改荆襄二鎮皆從之掌管記之任平盧薛平
又辟為副使入朝為刑部郎中元稹觀察浙東奏為

副使兼中丞賜金紫移鎮武昌鞏又從之終於鄂密
孔敏行字至之元和五年進士擢第呂元膺廉問岳
鄂辟為賓佐丁母憂而罷後元膺為東都留守移鎮
河中敏行皆從之
梁覲梁州城固人夫妻隱於城固南山山南西道節
度使鄭餘慶高其行辟為節度叅謀
賈直言初從事於李師道師道不恭朝命直言冒刃
說者二輿觀說者一師道訖不從及劉悟斬師道節
制鄭滑得直言於禁錮之間又嘉其所為因奏置幕
中悟遷於路亦與之俱後穆宗以諫議大夫徵之悟

拜章乞留復授簡較右庶子兼御史大夫依前克昭
 義軍行軍司馬然禁嚴之聞又其其祇為四委置
 張又新為左補闕與拾遺李續之尤蒙宰相李逢吉
 瞻待指為鷹犬逢吉出為山南東道節度使請又新
 為行軍司馬續之為副使商賈參籍
 薛戎字元夫河中寶鼎人少有學術不求聞達居於
 毗陵之陽羨山年踰四十不易其操江西觀察使李
 衡辟為從事使者三返方應召故相齊映代衡又留
 署職府罷歸之元味五年載士對
 高瑀少好論兵釋褐右金吾曹曹累辟諸府從事

王質字華卿釋褐嶺南管記歷佐淮蔡許昌梓潼興
 見四府累奏兼監察御史入朝累官戶部員外郎舊
 府延薦簡較同封郎中賜紫金魚袋克興元節度副
 使亦元味七年載士對
 崔咸少有林壑之志往往潛遊南山經時不返既冠
 連中文科尤長於篇詠好飲酒每風月孤靜吟嘯移
 時多悽愴流涕至酷醉則已鄭餘慶李夷簡皆辟於
 幕中如奉師友
 崔珣博陸人王質為宣州觀察使辟珣及劉黃裴夷
 直趙晳為從事皆一代名流

羅讓丁父憂喪服既除尚麻衣茹荼不從四方之辟者十年李鄴為淮南節度就其家拜請從事除監察

御史

李德裕字文饒元和初以父再秉國均避嫌不仕臺

省累辟諸府從事張引靖罷相鎮太原辟為掌書記

孫大理評事遷殿中侍御史

李石元和十三年進士擢第從涼國公李聽歷四鎮

從事後為兵部郎中令狐楚奏為太原節度副使

韋澳字子斐太和六年擢進士第性貞退登第後十

年不仕周墀鎮鄭滑辟為從事

劉蕢寶曆二年擢進士第太和二年策試賢良不第

令狐楚在興元牛僧儒在襄陽辟為從事待如師友

鄭亞字子佐李德裕在翰林亞以文干謁深知之出

鎮浙西辟為從事

鄭畋字台文亞之子也釋褐汴州節度推官大中朝

白敏中令狐綯相繼秉政素與李德裕相惡凡德裕

親舊多廢斥之畋不得偕於士伍咸通末令狐綯出

鎮淮海劉瞻鎮北門辟為從事

盧簡求字子藏釋褐江西王仲舒從事又從元稹為

浙東江夏二府掌書記裴度鎮襄陽保釐東雒皆辟

為賓佐入朝為監察御史裴度鎮太原復奏為記室
 令狐楚弱冠擢進士第桂州觀察使王拱愛其才辟
 為幕府懼不從請飛章而後致意父承簡時為太原
 功曹楚有庭闈之戀至桂林謝知不預晏遊乞解職
 奉養李說嚴綬鄭儋繼鎮太原高其節行累辟為掌

記

鄭朗字有融長慶元年登進士甲科覆落柳公綽鎮
 襄陽首辟之朗後為名相公綽又辟盧簡辭崔璵夏
 侯孜韋長李拭皆至公卿
 許壁進士第文格高雅馬植鎮陳許辟為掌書記又

從植汴州李瓚鎮桂州奏為觀察判官
 柳玘初辟高湜度支推官踰年拜左補闕湜出鎮澤
 潞奏為節度副使入為殿中侍御史李尉鎮襄陽辟
 為掌書記湜再鎮澤潞復為副使
 李商隱少負奇才令狐楚罷相歷汴州興元節制辟
 為從事遊處之間未嘗相捨楚卒王茂元鎮涇原聞
 其才命為管記茂元移任俱之河陽茂元卒桂州鄭
 亞復奏為判官官至侍御史在嶺表累年大中十三
 年入朝京兆尹盧弘正奏署掾曹令典牋奏明年令
 狐綯作相商隱屢啓陳情綯不之省弘正鎮徐州又

從爲掌書記府罷復以文章干綯乃補大學博士會
河南尹柳仲郢鎮東蜀辟爲節度判官
劉三復潤州人李德裕爲浙西觀察使三復以所業
詣郡干謁德裕閱其文倒屣迎之辟爲從事德裕三
爲浙西三復皆從太和中德裕輔政用爲員外郎居
無何罷相復鎮浙西三復從之汝州刺史劉禹錫以
宗人遇之深重其才嘗爲詩贈三復序曰從弟三復
三爲浙右從事凡十餘年往年至公入相薦用登朝
中復從公之京口未幾而罷昨以尚書員外郎奉使
至潞旋承新命改轅而東三從公皆在舊地徵諸故

事復無其比因賦詩餞別以志之又從德裕歷滑臺
西蜀揚州累遷御史中丞
楊收字藏之兄發爲潤州從事因家金陵收得第東
歸路繇淮右故相司徒杜棕鎮揚州延收署節度推
官奏授較書郎自棕罷相鎮西川復管記室宰相馬
植奏爲渭南尉克集賢較理改監察御史收辭以兄
尚從事候府植嘉之收卽密達意於西蜀願復爲叅
佐棕卽表爲節度判官植乃以收弟嚴代爲較理周
墀罷相鎮西蜀表嚴爲掌書記墀至鎮而卒棕乃辟
嚴爲觀察判官兄弟同幕爲兩使判官時人榮之

劉鄴三復子也三復嘗爲李德裕浙西從事大中初德裕貶逐鄴無所依以文章客遊江浙高元裕廉察陝虢署爲團練推官

王堯龜子也苦學善屬文以季父作相避嫌不就科試乾符初崔瑾廉察湖南崔涓鎮江陵皆辟爲從事溫庭筠太原人本名岐字飛卿大中初應進士累年不第徐商鎮襄陽往依之署爲巡官

李礪字景望大中十三年登進士第歸仁晦鎮大梁穆仁裕鎮河陽自監察殿中相次奏爲從事

王調爲長安令鄭從讜罷相爲太原尹北都留守河

東節度兼行營招討制下許自擇參佐乃奏調爲副使兵部員外郎史館修撰劉崇龜爲節度判官前司勳員外郎史館脩撰趙崇爲觀察判官前進士劉崇魯克推官前左拾遺李渥克掌書記前長安尉崔澤克支使開幕之盛冠於一時中朝瞻望者目太原爲小朝廷言名人之多也

劉崇望登進士科王凝廉問宣歙辟爲巡官崔安潛鎮許昌成都崇望昆仲四人皆在安潛幕下趙光喬爲膳部郎中知制誥劉季述廢立之後旅遊江表以避患嶺南劉隱深重之奏爲副使

司空圖咸通中登進士第三司王凝於進士中尤奇之凝廉問宣歙爲上客召拜殿中侍御史以赴闕遲留責授光祿寺主簿分司東都宰相盧攜罷免以賓客分司嘉其高節携入朝路繇分陝謂陝師盧渥曰司空御史高士也公其厚之渥即日奏爲賓佐後爲禮部郎中故相王徽鎮澤潞乃表圖爲副使徽不赴鎮而止

常寂字處黜釋褐爲萬年尉同州夏陽令崔喬知爲循吏辟鹽鐵巡官

梁張策爲膳部員外郎華帥韓建辟爲戎判及建領

許州又爲掌書記天復中策奉其主書幣來聘太祖見而喜曰張夫子且至矣即奏爲掌記兼賜金紫孫騰滑臺人知書亦微有詞筆唐光啓中魏博從事公乘億以女妻之因教以牋奏程式時中原多難縱掖之士縮影竄跡不復自顯億旣死魏帥以表章牋疏淹積兼月不能發一字或以騰爲言卽署末職主矣記事累遷職自支使掌記至節度判官敬翔字子振同州馮翊人唐平陽王暉之後也翔好讀書尤長刀筆應用敏捷乾符中舉進士不第及黃巢陷長安乃東出關時太祖初鎮大梁有觀察使支

使王發者翔里人也翔往依焉發以故人遇之然無
繇薦達翔久之計窘乃與人爲牋刺往往有警句傳
於軍中太祖比不知書章檄喜淺近語聞翔所作愛
之謂發曰知公鄉人有才可與俱來及見應對稱旨
卽補右職每令後軍翔不喜武職求補文吏卽署館
驛巡官俾專掌檄奏龍紀元年六月以朝散大夫前
太子中允爲中大夫簡輟水部郎中守揚州大都督
府左司馬賜紫金魚袋翔始以書檄從軍每進規畫
自經始蔡寇至于殄滅梁祖嘉其侍從裨贊之績特
表其事遂有此授

李振仕唐爲台州刺史會盜據浙東不克之任以策

于太祖太祖奇之辟爲從事太祖兼領鄆州署天平

軍節度副使

韋震仕唐爲右武衛將軍歸于太祖表爲揚州左司

馬又表爲蔡州四面都統判官尋奏授簡輟左僕射

克宣武節度副使

謝瞳字子明爲亳州團練使太祖征淮南過郡因求

侍府幕表爲宣義節度副使留後

高途字昭遠初爲鄜州從事爲鹽鐵使秦韜玉所知

薦於太祖乃署宣武軍掌記遷汴宋毫觀察判官改

平宣義兩府從事
盧曾頗好書有所執守始為齊州防禦使朱瓊從事
瓊降與之偕來太祖辟為宣義幕職

李珽字公度為監察御史丁內艱憂闋再徵為御史
以疾不起成汭鎮荊州辟為掌書記踰時乃就汭死
襄帥趙凝復奏為掌記入為左補闕太祖為元帥復
署為天下掌記一日大會將佐指珽曰此真書記也
羅隱餘杭人也唐廣明中因亂歸鄉里節度使錢鏐
辟為從事

後唐任闕京兆人李嗣昭典兵於晉陽與圍遊處分

義甚洽及鎮澤潞請為觀察判官制授延評解褐賜

朱紱

王緘幽州劉仁恭故吏也少以刀筆直記室仁恭假
以幕職令使鳳翔還經太原屬仁恭阻命武皇留之
緘堅辭復命書詞稍抗武皇怒下獄詰之謝罪聽命
乃署為推官歷掌書記從莊宗經略山東承制授簡
轍司空魏博節度副使

趙光逢幼嗜墳典動守規簡議者目為玉界尺昭宗
朝登進士第踰月辟度支巡官鳳翔支使

豆盧革少值亂離避地鄜廷轉入山中王處直禮之

辟於幕下有奏記之譽因牡丹會賦詩諷處直以葉
枯爲意言甚古雅漸加器仰轉節度判官

趙鳳幽州人從劉守奇奔梁用守奇爲博州刺史表
鳳爲判官

何瓚閩人也天祐三年登進士第謁莊宗於晉陽一
見受知辟河東推官漸轉留守判官張承業卒代知
軍府處事明敏胥吏畏其清而服其能好會賓友飲
饌精簡談笑婉洽外疎內密事有所執性憤不回鄴
中建號拜諫議大夫慮帝業不成堅乞判留守於北
京詔下許之未行車駕已平梁苑瓚從至維下郭崇

韜欲留於兩掖爲人所忌竟赴北京

盧汝弼唐大順中登進士第宣歙觀察使裴樞辟爲
判官後爲祠部員外郎知制誥從昭宗遷郤移疾退
居客道上黨過潞府爲太原所攻節度使丁會歸降
汝弼從會至太原武皇奏爲節度副使累奏戶部侍

郎

盧程天復末登進士第爲鹽鐵巡官昭宗遷維陽程
客遊燕趙中山王處直禮遇未優故授于太原莊宗
署爲推官尋改支使後歷觀察判官

李敬義衛公德裕孫也嘗從事浙東退歸維南平泉

舊業昭宗遷都雒陽敬義爲司勳員外郎辭疾不授
衛尉寺主簿後挈族客居衛州者累年莊宗定河朔
遣使迎至魏州署北京留守判官

孔邈交州曲阜人乾寧五年登進士第除較書郎崔
遠在中書奏萬年尉克集賢較理以親舅獨孤損方
在廊廟避嫌不赴職謁羅紹威於鄴下辟爲判官

蕭希甫梁時登進士第之鎮州王鎔署參軍後遁於
易州落髮爲僧莊宗搜楊賢俊幽州馬緝宏以希甫
聞召至魏州辟爲推官

李襲吉乾符末爲河東節度李都權鹽判官時喪亂

之後衣冠多逃難汾晉間襲吉訪舊至太原武皇署
爲府掾出宰榆社光啓初武皇遇難上源記室歿焉
旣歸鎮辟掌奏者多不如言或有薦襲吉能文召試
稱旨即奏爲掌書記三遷節度副使

陳人少好學善屬文嘗客於浮陽會浮陽軍亂徙居
大梁莊宗平梁郭崇韜遙領管山召居賓榻崇韜從
魏王繼及伐蜀署爲招討判官

藥縱之太原人少爲儒明宗刺代州署爲軍事衙推
從明宗鎮邢州爲掌書記歷天平宣武兩鎮節度副
使

馬郁幽州人劉仁恭入燕用爲掌書記唐天祐元年
汴人寇滄景仁恭求援於武皇武皇徵其兵同攻潞
州仁恭遣郁與監軍張居翰率師數萬赴會澤潞旣
平仁恭爲其子守光所囚兄守文又失滄景乃留郁
不遣署爲副留守累官至簡較司空秘書監武皇與
莊宗禮遇俱厚歲時給賜優異

司空頴貝州清陽人景福中舉進士不第羅紹威爲
節度副大使廼以所業干之幕客公乘億爲延譽羅
弘信署爲府參軍辟館驛巡官改節度巡官歷掌書
記

張憲字允中晉陽人精力遊學莊宗嗣世補太原府
司錄參軍天祐十三年授監察賜緋署魏博推官改
掌書記魏博觀察判官鎮州平授魏博鎮冀十郡觀
察判官

胡裝禮部尚書曾之孫莊宗署館驛巡官未幾遷節
度巡官賜緋尋歷推官

王正言鄆州人早孤貧爲沙門密州刺史賀德倫令
歸俗署郡職德倫鎮青州表爲推官改鎮魏州觀察
判官

周玄豹本燕人有表許之術莊宗署玄豹北京巡官

石知訥本梁時之走吏也漸厠簪組夏魯奇辟爲河陽節度判官移任許州亦佐之

晉趙瑩初依梁將康延孝延孝奔唐莊宗同光初用爲鄭州防禦使表瑩爲判官三年延孝爲陝帥又署賓職高祖爲陝府兩使留後瑩時在郡以前官謁之一見如舊相識卽奏署官高祖歷諸鎮皆從之

劉昫涿州人文學優瞻隱居上谷太寧山與呂夢奇張麟結菴共處定州連帥王處直以其子都爲易州刺史署昫爲軍事衙推及都去任假五廻令都招昫至中山會其兄暉爲節度衙推不踰歲命爲觀察推

官

馮玉字璟臣少應進士不第唐長興中宣徽使馮贊出鎮太原玉以宗盟之分往依之贊乃奏玉爲從事府罷入朝拜監察御史

崔稅梁永明三年舉進士上文薛廷珪愛其才擢升甲科闕封尹王瓚表爲從事專掌書奏瓚待之若親友

呂琦幽州人勵志勤學遊於汾晉唐天祐中莊宗方開霸府翹佇賢士墨制授琦代州軍事判官秩滿歸太原監軍使張承業重琦器業禮遇尤厚會其子瓚

領麟州刺史乃辟琦從事同光中趙德均鎮滄州表琦爲節度推官德均移鎮幽州亦從之

殷鵬字大舉大名人少而携秀爲鄉曲所稱弱冠擢進士第唐閔帝之鎮魏州聞其名辟爲從事

曹國珍字彥輔少值燕薊亂離因落髮被緇客于河西延州高萬興兄弟皆好文辟爲從事國珍嘗以文章自許求貢禮闈萬興飛表薦之梁永明中特勅進士及第選爲萬興幕客且掌書奏其年入爲左拾遺史圭嘗山人後唐同光中任園爲真定尹擢本府司錄不應命郭崇韜領其地辟爲從事及明宗代崇韜

復以舊職縻之

尹玉羽京兆長安人杜門隱居無名宦之意梁永明中劉鄩開幕鄆坊辟爲保大軍節度推官歷雍汴滑交從事

孔崇弼登進士第爲弘文較理昭宗幸雒陽河南尹張宗奭以崇弼名家子署爲幕賓
陳保極閩中人也少好學善屬文後唐天成中擢進士第泰王榮後聞其名辟爲從事

漢李崧深州饒陽人仕後唐爲太嘗寺協律郎王師伐蜀王繼岌爲都統署都統掌書記

蘇逢吉京兆人也父悅為高祖從事因從容薦逢吉
令事左右高祖召見以神情爽惠甚憐之有頃擢為
賓佐為節度判官

李麟少舉進士累舉不第客遊河朔入嘗山趙王鑒
辟為從事嘗山平莊宗以麟為霸府支使

龍敏幽州人少為儒丐遊都邑莊宗定魏博敏聞故
人馮道為霸府記室乃客于河中歲內歸太原館於
馮道之家監軍使張承業從容謂道曰吾子鄉友南
來何不相見遂得通刺會莊宗在魏州召道從軍承
業即署敏為巡官典監軍奏記

張允鎮州人幼學為儒仕本州為叅軍張文禮之據
州叛唐莊宗致討允隨文禮子處瑾請降於鄴不允
與處瑾並繫于獄鎮冀平宥之留于鄴署府功曹趙
在禮嬰城叛署節度推官從事滄交二鎮書記

周馮道瀛州人唐天祐中劉守光署為幽府掾守光
敗遁歸太原監軍使張承業辟為本院巡官尋為霸
府從事莊宗歸寧太原置酒公宴舉酒謂張承業曰
予今於此會取一書記先以卮酒辟之即舉酒屬道
道以所舉非次抗酒辭莊宗曰勿謙抑無踰於卿也
遂署太原掌書記

馬胤孫同光末擢進士第唐末帝爲潞王鎮河中胤孫客遊依之署爲支使俄改記室潞王守河中留京師歲餘胤孫不離于邸第長興中潞王自西京留守改節鳳翔胤孫累轉觀察判官

和凝字成績十九登進士第滑師賀環知其名辟賓幕下

蘇禹珪字玄錫以五經中第爲潞并管記漢高祖作鎮并門奏爲廉判

楊凝式爲禮部員外郎三川守張宗奭見而嘉之請以本官克留守巡官

王仁裕天水人入蜀爲翰林學士蜀亡入雒復爲秦州戎判秩滿歸田里時王思同鎮興元聞仁裕名奏辟爲幕賓尋改西京留守判官

司徒詡清河人少好讀書弱冠應鄉舉不第唐明宗鎮邢臺詡往謁之甚見禮遇命試吏歷瀕城令有能名長興初唐末帝鎮河中奏辟爲從事賈緯真定人舉進士不第歸河朔本府累署叅軍邑宰范延光鎮真定表授趙州軍事判官

劉皞後唐初授高季興於荆南累爲荊州攝官旣而兄昞明宗朝爲學士遣人召歸梁漢顯鎮鄧州辟爲

九凡元集辟署四 卷之七下二十九
從事入爲監察御史歷水部員外郎史館脩撰長興
未宰臣趙鳳鎮邢臺表爲節度判官

張沆徐州人登進士第唐明宗子秦王好文每賓寮
大集手自出題令面前賦詩少不如意則壞裂抵棄
沆初通刺屬合座客各爲南湖廳記謂沆曰聞生名
久矣請爲此文沆不獲已從之及羣士記成獨取沆
所爲勒之於石繇是署爲河南府巡官秦王敗勒歸
鄉里晉初桑維翰秉政沆以文干進用爲著作佐郎
集賢較理右拾遺維翰出鎮奏爲記室

張昭趙郡寧晉人後唐同光中依興唐尹張憲憲奏

爲從事及憲移河東留守與之俱行遇莊宗維陽之
變憲爲部將苟彥超所害昭僅以身免

兀龜

幕府部

